



Arkivnr: 2014/2-70
Saksbehandlar: Adeline Berntsen Landro

Saksframlegg

Saksgang

Utval	Saknr.	Møtedato
Hordaland fagskulestyre		27.01.2015

Nye retningslinjer for avsetjing til frie fond for Fagskolane i Hordaland

Samandrag

Sak PS 90/2014 om *Nye retningslinjer for avsetjing til frie fond ved dei vidaregåande skulane og Manger folkehøgskule* vart handsama i Fylkesutvalet 23.04.2014.

Forslag til vedtak

Hordaland fagskulestyre gjev sin tilslutnad til at Fagskolane i Hordaland vert omfatta av dei nye retningslinjene for avsetjing av frie fond. Dei nye retningslinjene for avsetjing av frie fond inneber at ein skule ikkje vil kunne ha meir enn 5 % av sitt reviderte årsbudsjett i frie fond. Administrasjonen ved Opplæringsavdelinga vil tilrå at Hordaland fagskulestyre gjev sin tilslutnad til ordninga, av di fagskulane vil vere tent med å vere innlemma i denne.

Svein Heggheim
fylkesdirektør opplæring
ansvarleg for saksførebuing til fagskulestyret

Linda Farestveit
seksjonsleiar skule

Saksframlegget er godkjent elektronisk og har derfor inga underskrift.

Vedlegg

- 1 Nye retningslinjer for avsetjing til frie fond ved dei vidaregåande skulane og Manger folkehøgskule.

Fylkesrådmannen, 12.01.2015

Sak PS 90/2014 om *Nye retningslinjer for avsetjing til frie fond ved dei vidaregåande skulane og Manger folkehøgskule* vart handsama i Fylkesutvalet 23.04.2014 (sjå vedlagt sak) med følgjande vedtak:

Saksprotokoll i fylkesutvalet - 24.04.2014

Innstillinga vart samrøystes vedteken.

Vedtak

Det vert oppretta nye retningslinjer for avsetjing til frie fond for dei vidaregåande skulane og Manger folkehøgskule som skissert i saka. Retningslinjene trår i kraft frå og med 01.01.2015 (ved årsoppgjeret for 2014).

Dei nye retningslinjene for avsetjing av frie fond inneber at ein skule ikkje vil kunne ha meir enn 5 % av revidert årsbudsjett i frie fond. Skulane under Fagskolane i Hordaland er også omtala i saka, og administrasjonen ved Opplæringsavdelinga ønskjer at fagskulane skal ha same vilkår som dei vidaregåande skulane.

Ramma for fagskulane er tildelt Hordaland fagskulestyre, men det er likevel styret som skal ta avgjerd i høve til om fagskulane skal ha dei same retningslinjene for avsetjing til frie fond som dei vidaregåande skulane. Administrasjonen ved Opplæringsavdelinga vil tilrå at Hordaland fagskulestyre gjev sin tilslutnad til ordninga av di fagskulane vil kunne vere tent med å vere innlemma i denne.

I dag er det berre Bergen maritime fagskole som har eit så stort fond at delar av fondet vil verte teke inn til opplæringssektoren sitt fond. Hordaland helsefagskule og Bergen tekniske fagskole har i 2014 fått eit negativt budsjettrekneskap grunna kostnadskrevjande tilbod. Bergen maritime ønskjer å behalda sitt fond av di dei har sett av midlar til ny bru-simulator, men dersom fagskulane vert med i ordninga, vil skulen likevel få dekt dei naudsynte kostnadene til simulatoren av di dette allereie er planlagt i saman med Opplæringsavdelinga.

Bergen tekniske fagskole har tidlegare hatt eit stort fond, men dette har mellom anna gått med til å dekke meirkostnader ved å drifta dei nye studiestadene etter omorganiseringa. Skulen hadde planlagt å bruke fondet til kostnader ved flytting til Haugeveien, slik som nye møblar og lab i Margaretastredet. Såleis vert skulen no avhengig av midlar frå investeringsfondet for å kunne gjere dei naudsynte innkjøpa.

Om Hordaland fagskulestyre gjev sin tilslutnad til dei nye retningslinjene for avsetjing til frie fond, vil styret kunne fremje søknad til administrasjonen om kva investeringsbehov fagskulane har for 2015. Sak om investeringsbehov vil verte lagt fram for styret i møtet 24. mars 2015, og administrasjonen ved Opplæringsavdelinga vil leggje fram sitt forslag til Opplærings- og helseutvalet i møte 14./15. april 2015.

Dersom Hordaland fagskulestyre ikkje ønskjer at Fagskolane i Hordaland skal ha dei same retningslinjene for avsetjing til frie fond som dei vidaregåande skulane, vil ikkje fagskulane kunne søkje om midlar til investeringar gjennom dette fondet.